

lani ac robur heroicum primitiva Ecclesiae exaequent, coelesti pane, etiam in paschate se recreare valeant. Summis insuper laudibus extollunt nonnulli liturgicam communionem, quam fieri cupiunt in sola parochiali ecclesia, in qua unum sit altare, ac nolunt asservari consecratas particulas, nisi propter infirmos, aliam gravem necessitatem; amantque ciboria in alto loco collocata, ut modis omnibus difficultorem reddant angelici panis sumptionem; et quasi ista non sufficerent, fraudulentis vocibus apud historie ecclesiasticae imperitos beatissima illa praedicant tempora, quibus, juxta ipsos, fideles nonnisi rarissime communabant.

Quemadmodum porro Innocentius XI. nimis liberas hac in re confixit propositiones, ita Alexander VIII duas nimis rigidas dannavit, quarum altera quae est n. XXII. ita se habet: *Sacrilegi sunt iudicandi, qui jus ad communionem percipiendam prætendant, antequam condignam delectis suis paenitentiam egerint.* Altera est n. XXIII. *Similiter arcendi sunt a sacra communione, quibus nondum inest amor Dei purissimus, et omnis mixtionis expers* (1).

Ceterum, utrum præstet ut fideles sæpe ad communionem accedant, an potius ut ab ea abstineant, non potest generatim definiri. Hoc enim huic questioni commune est, ut recte admonet Petavius (2), cum omnibus aliis questionibus, quæ practice dicuntur, et quæ cum pendent ex variis circumstantiis temporum, locorum, hominum, conditionum, munerum, dignitatum, aliisque, non possunt universaliter enuntiatione dirimi, sed sunt in partes dividenda, ita ut singulis partibus singillatim expensis plene satisfrat. Duo tamen certa sunt: primo, optasse semper Ecclesiam, ut fideles sæpe accederent ad sacramentum tam salutare infirmitatibus eorum quotidianiis, secundo, nemini illud subduxisse unquam qui animum afferret a peccati contagione, quantum imbecillitas humana pateretur, diligenter purgatum (3). Quamobrem res tota in prudentia ministrorum posita semper fuit, ut declaravit Innocentius XI (4).

**DIFFICULTATES.** Obj. Eucharistiae proprium effectum esse remissionem peccatorum tum ipsa Ecclesiae litur-

(1) Cf. Viva in has proposuit. Op. cit.

(2) *De Paenitentia* lib. iii. cap. 5. § 1.

(3) Cf. Petavium in octo libris de Paenitentia, quos opusuit pestilentissimo operi Arnaldi, inscripto: *De frequenti communione.*

(4) In decreto *Cum ad aures circa communionem quotidianam, apud Viva Damnat. Thesum*, etc. in appendice ad prop. LVI. damnatam ab Intoc. XI.

gia, tum patres omnes passim aperiissime tradunt. Ecclesia enim ita in sua liturgia orare consuevit: *Hæc nos communio purget a crimen...* Sit ablutione scelerum; s. Joan. Chrysostomus scribit: *Hoc remedio (sacramento) omnis morbus extinguitur* (1). s. Ambrosius: *Accedite, inquit, ad eum, et absolvimini, qui remissio peccatorum est* (2). Hæc autem doctrina Christi verbis innixa est, qui Matth. XXVI. 28. dixit: *Hic est sanguis meus novi testamenti, qui pro multis effundetur in remissionem peccatorum;* et Joan. VI. 52. *Panis, quem ego dabo, caro mea est pro mundi vita.* Ergo.

Resp. Dist. Ant. Eucharistiae effectus proprius est remissio peccatorum, quoad poenam, C. quoad culpam subd. est remissio venialium, C. lethalium saltem per se et immediate, N. Etenim eucharistia quatenus est sacrificium propitiatorium, ut inferius ostendemus, vim habet dimittendi peccatum quoad poenam, levia autem etiam quoad culpam, qui effectus eucharistie etiam prout sacramentum est, pariter tribui solet (3). Ast si sermo sit de culpis gravibus, certum est eucharistiam, etiam quatenus est sacrificium, ipsas nonnisi mediate delere, impetrando nimis gratias ac dispositiones necessarias ad carum detestationem, ut suo loco explanabimus. Quo multiplici sensu adducti textus, aliqui ejusmodi intelligi debent, prout semper eos intellexit Ecclesia, ut allata documenta apertissimum fidem faciunt. Hinc *Ne tantum sacramentum indigne, atque adeo in mortem, et condemnationem sunatur, statut atque declarat ipsa sancta synodus (Tridentina) illis, quos conscientia peccati mortalis gravat, quantumcumque etiam se contritos existimant, habita copia confessoris, necessario præmittendam esse confessionem sacramentalem.* Si quis autem contrarium docere, prædicare, vel pertinaciter asserere, aut etiam publice disputando defendere præsumperit, eo ipso excommunicatus existat (sess. XIII. can. XI).

Et hæc de eucharistia, prout sacramentum est. De ejus enim materia, forma et ministro commodius agemus in altera tractatus parte, quæ de eadem eucharistia est, quatenus est sacrificium.

(1) Ηλανον ρεον εθισαι δυνηται τοτο. Hom. IV. in Matth. n. 9.

(2) Serm. XVIII. in Ps. CXVIII. n. 28.

(3) Utrum vero præter peccata venialia sacramentum eucharistie remittat, etiam peccata mortalia per accidentem, ut dicunt, disputant theologi, alii affirmant, alii vero negant. Cf. Vasquez in 3. p. s. Th. disp. CCV. cap. 3. et 4.

## PARS POSTERIOR, DE SACRIFICIO.

Sacrificii vox, quæ est a sacro faciendo, tum impropria seu latiori significatione usurpari solet, tum significatione propria et stricte sumpta. Priori sensu quivis religionis actus, sive interior sive exterior, Dei causa susceptus ipsique gratus, sacrificium vocatur; quæ significatione virtutum officia in ipsis sacrificiis dieuntur sacrificium laudis, hostiæ spirituales, sacrificium spiritus contributati. Posteriori sensu, qui est proprius et theologicus, sacrificium vulgo definiti solet: *Oblatio rei sensibilis soli Deo facta per legitimum ministrum ad recognoscendum supremum ejus in res omnes dominatum, quæ ritu mystico consecratur.* et im-

itteris dieuntur sacrificium laudis, hostiæ spirituales, sacrificium spiritus contributati. Posteriori sensu, qui est proprius et theologicus, sacrificium vulgo definiti solet: *Oblatio rei sensibilis soli Deo facta per legitimum ministrum ad recognoscendum supremum ejus in res omnes dominatum, quæ ritu mystico consecratur.* et im-

item vero in sacrificio relativo, seu commemorativo. Ad hujus enim commemorativi sacrificii rationem sufficit immutatio, qua in absoluto sacrificio præcessit: nam commemorativum sacrificium ad absolutum refertur, illudque exhibet atque commemorat. Siquidem cum ratio sacrificii in significazione omnipotentiæ Dei auctoris vitæ et mortis formaliter positæ sit, si detur oblatio aliqua, per quam absque rei oblatae immutatione vera et reali Deus auctor vitæ et mortis denotari et coli possit, vere et proprie sacrificium illa dici debet. Sic ut et eidem exemplo sacrificii missæ inhæreantur, per distinctam utriusque speciei consecrationem Christus ipse præsens sistitur absque reali sui immutatione, attamen ut victima. Per hanc enim hostiæ veluti immolatae presentiam Deus ut vite et mortis auctor colitur; in quo vera sacrificii ratio, uti innuimus, consistit. Enimvero hac mystica immolatione Christus illud item exhibet sacrificium, quod reali sanguinis effusione in cruce consummavit.

Hæc tamen definitio non omnibus theologis arredit, tum ex eo quod nonnulla continet quæ ad essentiam sacrificii non requiruntur (1); tum etiam ex eo, quod formale rationem sacrificii, ut vocant, non satis patefacit (2); tum denique ex eo quod postrema definitionis conditio, quæ est de immutatione victimæ, seu rei oblate non videatur in sacrificio missæ verificari, ideoque ipsam definitionem non posse sacrificio inveniunt aptari.

Quare Vasquez, his difficultibus permotus, aliam subjecti definitionem, quæ illas declinet, et faciliorem sternal viam ad veritatem sacrificii nostri vindicandam aduersus protestantes. Ipse igitur generatim observat, rationem formalem sacrificii positam esse in significazione omnipotentiæ Dei auctoris vitæ et mortis (Vasquez, in 3. p. s. Thom., Disp. CCXII, cap. 8), ex quo infert rei oblate immutationem non esse de ratione formalis sacrificii. Juxta hanc notionem ipse definit sacrificium hoc modo: *Sacrificium est nota existens in re, qua proficiuntur Deum auctorem vitæ et mortis* (3).

Quo posito fundamento, duplex distinguit sacrificium, alterum *absolutum*, alterum *relativum*, seu *commemorativum*. Absolutum illud dicitur, quod tale per se est absque relatione ad alterum nec est alterius commemorationis, veluti mactatio pecudis, vel alterius rei consumptio; relativum vero seu commemorativum illud vocatur, quod tale tantum est ob relationem, quam habet ad alterum, cuius commemorationem seu representationem continet, cuiusmodi est sacrificium missæ, quod refertur ad sacrificium crucis, cuius commemorationem in eo et representationem præ se fert per duarum specierum consecrationem seu mysticam immolationem (4).

In sacrificio absoluto ex parte materiæ necessarie requiritur rei immutatio, ut idem prosequeatur; non

(1) Sic e. g. quod dicitur de *legitimo ministro*, non videtur ad essentiam sacrificii pertinere, eo quod in lege naturæ, antequam vel a Deo ipso, vel a societate aliqui destinarentur ad sacrificium offerendum, licet esset unicuique Deum hoc cultus genere honorare; hinc quamvis Abel non esset primogenitus, Deo tamen obtulit sacrificium: id ipsum dicendum de his, qui seorsim singuli vivebant. Deinde observant isti theologi, totam hanc definitio posse aptari solemni thurificationi, que etiam consistit in oblatione rei sensibilis ad cotendum Deum ordinata, que fit a legitimo ministro, et quæ destruit et immutatur. Nemo tamen dicit thurificationem esse sacrificium proprie dictum.

(2) Nam si ratio formalis sacrificii considereret in profunda sumissione Deo debita et cultu latrice exhibendo, non differret, aiunt, ratio formalis sacrificii ad orationem, in qua idem actus erga Deum exercentur, eo magis, quod Deo submissionem et adorationem tam per sacrificium, quam per simplicem oblationem testari possumus. Sed Cf. Vasquez in 3. P. s. Th. disp. CCXX. cap. 3.

(3) Disp. CCXI. cap. 5. In hac definitione habetur ratio formalis sacrificii.

(4) Ibid. Disp. CCXX. cap. 5. et Disp. CCXII. cap. 8.

(1) Ibid. Disp. CCXII. cap. 8. n. 66.

(2) Hinc merito Veronius in *regula fidei* cap. 2. § 14. exposita doctrina Vasquezii subdit: « Quid facilius creditu sacrificio vero et proprio, solum tamen commemorativo non absolute sic explicato? »

(3) Cf. Pallavicini *istoria del Concilio di Trento*, lib. xviii. cap. 2.

libamina; 3. ratione modi quo perficiebantur, aut *holocausta*, aut *hostiae pacificae*, aut *hostiae pro peccato* nuncupata sunt, de quibus fuse in Levitico; ratione finis nonnulla appellata sunt *latreutica*, per quae Deo exhibebatur obsequium subjectionis et serviutis; nonnulla *eucharistica*, quae scilicet in gratiarum actionem pro acceptis beneficiis; nonnulla *impetratoria*, quae ad beneficia obtainenda; nonnulla denique *propitiatoria*, quae ad placandum Deum offendit ob culpas admissas peragebantur. Haec omnes proprietates, quae multiplici huic sacrificiorum divisioni locum derunt in veteri lege, et hos varios fines omnes in se complectitur unicum novae legis sacrificium de quo agere instituimus.

## CAPUT I. DE VERITATE SACRIFICII EUCHARISTICI EJUSQUE NATURA.

Non solum, quotquot e novatoribus realem Christi presentiam in eucharistia rejiciunt, ut calvinisti, zwingiani, sociniani, methodistae, rationalistae, veritatem sacrificii proprie dieti respunt; sed et ipsi lutherani, qui Christum realiter presentem in sacramento admittunt, ejusdem sacrificii veritatem insificantur, quasi sacrificio crucis injuriosam. Horum enim parens Lutherus sacrificium quod in eucharistia celebratione offertur, vocat *abominationem*, ac in colloquio, quod cum malo dæmonie habuit, fatetur mendacem hunc spiritum sibi auctorem et suasorem fuisse ad abrogandum missæ sacrificium (1). Concilium Tridentinum anathemate hunc errorem perculit. XXII, et dogma catholicum asseruit quatuor canonibus, quos jam subjicimus. Can. I. *Si quis dixerit in missa non offerri Deo verum et proprium sacrificium, aut quod offerri non sit aliud, quam nobis Christum ad manducandum dari, anath. sit.* Can. II. *Si quis dixerit illis verbis: hoc facite in meam commemorationem, Christum non instituisse apostolos sacerdotes, aut non ordinasse, ut ipsi aliqui sacerdotes offerrent corpus et sanguinem suum, anath. sit.* Can. III. *Si quis dixerit missæ sacrificium tantum esse laudis et gratiarum actionis, aut nudam commemorationem sacrificii in cruce peracti, non autem propitiatorium, vel soli prodesse sumenti, neque pro vivis et defunctis, pro peccatis, paenitentia, satisfactionibus et aliis necessitatibus offerri debere, anath. sit.* Can. IV. *Si quis dixerit blasphemiam irrogari sanctissimo Christi sacrificio in cruce peracto, per missæ sacrificium, aut illi per hoc derogari, anath. sit.* Ad hanc doctrinam vindicandam sequentibus propositionibus accedimus.

(1) Cf. Bellarm. *De euchar.* lib. v. cap. 3. n. 3. Ex his comprehendimus, duos priores *sacrorum emendatores*, qui inter se decerterabat de principatu rebellionis adversus Ecclesiam Dei concitate, Lutherum nempe et Zwinglium, alterum magistrum habuisse spiritum quem ipse nesciebat albus ne, an ater esset cuius horum negavit realiter Christi presentiam in eucharistia, alterum præceptorum habuisse diabolum ipsum. Quomodo non pudeat hæreticos, se se in disciplinam tradere horum *emendatorum*, seu potius diaboli, qui utrique magister exstitit? Nec enim talia a Catholicis excoquita sunt, sed ipsimet hæreticarum ea litteris consignarunt.

PROPOSITIO I. — *In missa offertur Deo verum et proprium sacrificium, prout sacrae litteræ in primis ostendunt.*

Christus in cena seu in institutione eucharistie verum ac proprium Deo obtulit sacrificium. Porro quod ipse fecit, id ipsum ab apostolis eorumque in sacerdotio successoribus, faciendum esse mandavit illis verbis: *Hoc facite in meam commemorationem*, Luc. XXII, 19. Ergo in missa verum pariter ac proprium Deo sacrificium offertur.

Major hujus argumenti propositio, in quam solam cadere potest difficultas, multiplici ratione evincitur. Ac 1. ex dictis circa sacrificii eucharisticæ notionem, ad formalem rationem sacrificii commemorativi seu relativi, cuiusmodi eucharisticum esse declaravimus, duo requirunt et sufficiunt, realis nempe Christi praesentia in eucharistia, et representatio mortis Christi ad significandam omnipotentiam Dei auctoris vite et mortis. Jam vero primum adstruximus adversus sacramentarios, alterum vero a nullo adversariorum in dubium revocari potest; consecrationem enim duplicitis symboli, seu panis et vini seorsim factam, ad significandam separationem sanguinis a corpore, quæ contigit in Christi morte referri, omnes protestantes non solum admittunt, sed contendunt, ut superius vidimus (1); haec præterea representatio ac proinde relatio ad immolationem, quæ facta est in cruce, cum ipsi consecrationi intrinseca sit, intrinseca pariter ipsi est ratio formalis sacrificii veri et proprie dicti. 2. Id ipsum conficitur ex ejusdem institutionis adjunctionis. Christus enim eucharistiam instituit, immolato veteri paschate in corpore agni, cui novum sufficit in oblatione corporis sui. Quod si verum sacrificium fuit veteris paschatis celebratio (2), verum quoque debuit esse sacrificium celebratio novi; illud solum inter utrumque sacrificium intercessit discriben, quod sacrificium in agni mactatione oblatum fuerit sacrificium absolutum, quod vero in institutione eucharistica oblatum est, fuerit relativum ad sacrificium crucis mox in cruce peragendum. Rursus quo tempore

(1) Cum nempe de promissione eucharistica ex Jo. VI. et iterum cum de communioane sub utraque specie ageremus.

Hic tamen notandum est, diversa ratione referri sacrificium missæ ad sacrificium crucis ab ea, qua relatum fuerit in cena celebratione. Nam in cena referelatur institutio eucharistie ad sacrificium crucis mox futurum, in missa referatur ad idem sacrificium jam præteritum.

(2) Ut nobis protestantes eriperent argumentum, quod ex immolatione Agni paschalis eruunt tanquam figura sacrificii nostri, iniciati sunt in agni illius immolatione haberi rationem sacrificii. Ast præterquam quod ex ipsa rei natura eruunt veri sacrificii ratio, Josephus Flavius passim expresse vocat *sacrificium agni immolationem*, ac omnes Iudei id ipsum profitentur. Denum ipsi protestantes et in hac parte manus vietas dederunt, dum postea agnoverunt et fassí sunt, agni mactationem verum fuisse sacrificium. Cf. inter ceteros Bochart in *Hierozoico* lib. n. cap. 30. in quo prolixam institutum disputationem de *agni paschali* ac § 5. ex professo ostendit tum ex Scriptura, tum ex ritu ipso pascha verum fuisse sacrificium. Opp. edit. Londini. 1663. tom. i. col. 551. et seqq. Attamen Kuinoel in cap. 1. Joan. v. 29. adhuc contendit contra apertam Scripturarum auctoritatem, et consensus totius iudaicæ gentis, agni paschalis mactationem non fuisse sacrificium proprie dictum, sed solum improprie.

## PARS II. CAP. I. DE VERITATE SACRIFICII, ETC.

eucharistiam Christus instituit, novum fœdus, seu testamentum condidit, dicens: *Hic est sanguis novi testamenti*; testamentum autem et fœdus ex Apostoli doctrina, Heb. IX, 17 et seqq., sacrificio et sanguine dedicari oportuit; quare sicut Moyses de sanguine vituli dixit, Exod. XXIV, 8: *Hic est sanguis fœderis, quod pepigit Dominus vobiscum*, seu ut haec verba refert Apostolus Heb. IX, 20: *Hic est sanguis Testamenti quod mandavit ad vos Deus*, ita ad haec Christus alludens, imo iisdem pene utens verbis in novo suo fœdere sanciendo, ait: *Hic est sanguis novi testamenti*. At Moysis verba dicta sunt de sanguine oblati sacrificii, ergo et Christi verba de oblati sacrificio in sanguine suo prolati esse intelliguntur (1).

Hæc autem majus robur accipiunt ex Actis apostolicis, atque ex doctrina Apostoli. In Actis siquidem XIII, 2. de prophetis et doctoribus antiochenis legitur: *Ministrantibus autem illis Domino et jejunantibus, dixit illis Spiritus sanctus, etc.* Quæ de sacrificii oblatione intelligenda esse, aperte constat ex græca voce *λειτουργούστων*, quam Erasmus vertit: *quum illi sacrificarent* (2); et Henricus Stephanus: *Dantibus operam rebus dominicis*. Paulus vero 1. Cor. X, 18. et seqq. ut fideles avocaret ab idolothytis scribit: *Videite Israel secundum carnem, nonne qui edunt hostias, participes sunt altaris?... Sed quæ immolant gentes, dæmonis immolant, et non Deo. Nolo vos socios fieri dæmoniorum: non potestis calicem Domini bibere, et calicem dæmoniorum. Non potestis mensæ Domini participes esse, et mensæ dæmoniorum.* Quibus verbis Apostolus confort mensam et altare christianorum, cum mensa et altari ethniæorum; atqui mensa et altare referuntur ad sacrificium; ergo sacrificium christianorum confort Apostolus cum sacrificiis ethniæorum; jam vero haec, esto malis spiritibus seu diis oblatæ, sacrificia tamen erant proprie dicta: igitur ex mente Apostoli, verum ac proprie dictum censendum est sacrificium christianorum. Rursus idem Apostolus Hebr. XIII, 10. revocatur pariter eosdem fideles ab usu sacrificiorum judaicorum: *Habemus, inquit, altare de quo edere non habent potestatem, qui tabernaculo deserunt* (3). Ut ergo Iudei, sic et christiani habebant altare (gr. *θυσιαστήριον*, sacrificatorium) de quo ederent. Cum vero christiani de altari suo nihil aliud edant quam eucharistiam, plane inde consequitur eucharistiam juxta Apostolum offerrin in sacrificium; alioquin perperam meminisset altaris, si cibus ille, qui dicitur de altari sumptus, Deo in sacrificium oblatus antea non esset.

Hæc confirmantur ex V. T.; omissis enim tum quæ de Melchisedech sacrificio in pane et vino oblatæ leguntur Genes. XIV, 18. quo adumbratum fuisse oblatum a Christo in ultima cena sacrificium patres unanimiter docent: tum quæ de immolatione agni paschalis, aliisque veteris legis sacrificiis, quæ totidem fuerunt typi sacrificii eucharistici, de quibus fuse Bellarminus (1). Celebre est oraculum Malachiae 1, 10. In eo siquidem dicitur: *Non est mihi voluntas in vobis, dicit Dominus exercituum: et munus non suscipiam de manu vestra. Ab ortu enim solis usque ad occasum magnum est nomen meum in gentibus: et in omni loco sacrificatur et offertur nomini meo oblatio munda, quia magnum est nomen meum in gentibus, dicit Dominus exercituum.* Hoc porro oraculo significari 1. veterum sacrificiorum abrogationem; 2. novi excellentioris sanctorumque sacrificii exterioris et proprie dicti in eorum locum suffectionem, offerendi, per novos sacerdotes qui assumi deberent ex gentilitate; 3. ejusdem demum per universum orbem oblationem et celebrationem suo loco ostendimus (*Tract. de Incarnatione*). Atque tria haec in solo sacrificio eucharistico reperiuntur. Ergo.

DIFFICULTATES. Obj. In institutione eucharistica nulla vox occurrit quæ vel leviter insinuat oblatum esse a Christo sacrificium: nusquam siquidem legitur Christum dixisse *offerō, sacrificō*, aut aliquid ejusmodi. 2. Imo non pauca in ea habentur, quæ oblationem sacrificii excludant. In cena enim Christus testamentum condidit et sacramentum instituit. Jam vero ratio sacrificii consistere nequit cum notione testamenti et sacramenti. Nam sacrificii ratio in eo posita est, ut aliquid nos Deo offeramus, contra vero per testamentum et sacramentum nobis aliquid a Deo datur. Insuper testamenti et sacramenti promissio fide accipitur, sacrificium vero ex fide oritur; et quemadmodum idem esse non potest oratio, et quod per orationem consequimur, sic nequeunt idem esse testamentum et sacrificium. Demum eadem ratione, quæ non dicitur per testamentum aliquid dari testatori ab haerede cum potius testator haeredi relinquat rem suam; s'c etiam fieri nequit, ut per eucharistica sacramentum Deo aliquid offeramus. Ergo.

Resp. ad 1. Neg. Ostendimus enim verba quibus usus est Christus in consecratione calicis, et adjuncta reliqua, quæ institutionem eucharisticae comitata sunt, rationem denique ipsam institutionis eucharisticae per duplicitis symboli distinctam consecrationem ad representandam Christi mortem mox futuram, necessario postulare ac involvere oblationem veri sacrificii. Cum vero ratio sacrificii non in verbis, sed in Lape.

(1) Lib. v. *De Euch.* qui est primus de sacrificio cap. 7.

rebus ipsis, seu in ipsa insit actione significante Deum ut auctorem vitæ et mortis, hinc opus non est, ut in ejus oblatione dicatur *offerō*, aut *sacrifico*: prout neque verba hæc proferebantur a sacerdotibus missis in immolatione victimarum, neque prolata sunt a Christo ipso, cum in cruce moreretur, quia tamen adversarii inficiuntur, Christum in cruce verum obtulisse sacrificium.

*Ad 2. Neg. Ad prob.* vero adductas dico, optime in una eademque re sub diversa ratione consistere notiones testamenti et sacramenti cum notione sacrificii. Etenim quatenus eucharistia conficitur per notam, qua profitemur Deum auctorem vitæ et mortis, ratio habetur sacrificii, et dicitur a nobis Deo offerri, quia per illud potentiam ejus significamus. Quatenus vero eadem eucharistia suscipitur a nobis, est signum et causa gratiæ nos sanctificantis, ac propterea sacramentum, et dicitur a Deo nobis donari, quia Deus per illud nos sanctificat. Ex hac porro animadversione concidunt reliqua ab adversariis superstructa, quæ laborant eadem falsa suppositione. Nam sub diversa ratione et aliquid a Deo petimus et idem illud Deo offerimus, fide promissiones accipimus, et ex fide sacrificium peragimus; sic etiam ut haereses per testamentum bona a Deo consequimur, et per sacrificium Dei omnipotentiam significamus.

*II. Obj.* Catholicorum doctrina de sacrificio missa nullo modo cum doctrina Apostoli conciliari potest. Docet enim Apostolus, 1. solum crucis sacrificium ita sufficiens esse ad peccatorum omnium remissionem, ut nullum aliud in religione christiana sit requiendum; nam Heb. IX, 12. de Christo ait: *Per proprium sanguinem introivit semel in sancta, aeterno redempzione inventa*; v. 28. *Christus semel oblatus est ad multorum exhaurienda peccata*; tum cap. X, 10. *In qua voluntate (Dei) sanctificati sumus per oblationem corporis Iesu Christi semel*; v. 14. subdit: *Una oblatione, consummavit in sempiternum sanctificationis*. Quæ quidem dixit Paulus ut discriberemus inter sacerdotes veteris legis, qui quotidie repeatabant sacrificia, et Christum, qui una tantum oblatione opus nostræ redempzione peregit, et idcirco ibid. 18. addidit: *Ubi autem harum (peccatorum) renissio, jam non est oblatio pro peccato*, quod et significavit Christus ipse Joan. XIX. 30. dicens; *Consummatum est, id est, perfectum uno illo crucis sacrificio redempzione opus*. Docet 2. Apostolus, præter summum atque aeternum pontificem Christum, qui semetipsum obtulit, et per proprium sanguinem introivit semel in sancta, nullum esse in nova lege sacerdotem agnoscendum, qui offerat in sanguine alieno: *Alii quidem*, inquit Heb. VII. 25. *plures facti sunt sacerdotes, idcirco quod morte prohiberentur permanere*. *Hic autem, eo quod maneat in aeternum, sempiternum habet sacerdotium...* qui non habet necessitatem quotidie, quemadmodum sacerdotes... hostias offerre... *Hoc enim fecit semel, seipsum offerendo*. Quod si Christus nullum habet in sacerdotio successorem in terris, nec ulla in terris adsumit sacrificia, quæ sacrificio illius succedere pos-

252  
sint. Atqui catholicorum systema admittit alterum Deum ut auctorem vitæ et mortis, hinc opus non est, ut in ejus oblatione dicatur *offerō*, aut *sacrifico*: prout neque verba hæc proferebantur a sacerdotibus missis in immolatione victimarum, neque prolata sunt a Christo ipso, cum in cruce moreretur, quia tamen adversarii inficiuntur, Christum in cruce verum obtulisse sacrificium.

*Resp. Neg. ant. Ad 1. prob. Dist.* Docet Apostolus solum crucis sacrificium sufficiens fuisse ut causam generalem meritioram nostræ redempctionis et sanctificationis, C. ad exclusionem sacrificii eucharisticæ, ut causa particularis, qua nobis Christi redemptio et sanctification in cruce promerita applicaretur, N. Hanc esse Apostoli mentem, constat ex antithesi, quam ipse instituit inter sacrificia V. L. et sacrificium crucis; illa enim quamvis multiplicata per quotidianam iterationem non poterant ex sese peccata delere, nec sanctificationem efficere; contra vero sacrificium Christi in cruce peractum, utpote infiniti valoris, utrumque cumulatissime praestitit, quin alio ad nos redimendos et sanctificandos cruento sacrificio opus sit. Hac ratione omnes adducti textus exponi debent. Non excludi autem ab Apostolo oblationem incurruentam sacrificii, quod in celebratione eucharisticæ quotidie offertur, ut per eam nobis in particuli meritum sacrificii in cruce peracti applicetur, evidenter constat ex ipsa etiam protestantium doctrina. Nam ipsi unanimiter docent fide, qua apprehenduntur veluti per instrumentum Christi promissa et merita hæc nobis applicari, seu effici ut unicuique nostrum imputentur merita Christi; docent sacramenta esse aut signa aut pignora hujus per fidem facienda, aut factæ imputationis. Ergo per suum ipsum sistema protestantes profitentur, non esse sufficiens crucis sacrificium ad nostram justificationem et sanctificationem, sed opus præterea esse aliquo medio, quo fructus illius sacrificii ad nos perveniat, et nobis prospicit. Hoc autem principio semel constituto, sola controversia quæ vigore potest inter catholicos et protestantes, versatur circa naturam, efficaciam aut modum, quo istud medium efficiat in nobis justificationem et sanctificationem promeritam a Christo per sacrificium in cruce peractum. Protestantes tenent id fieri per imputationem extrinsecam, catholici vero per applicationem intrinsecam; ast æque convenienter in admittenda necessitate alicujus medii quoad imputationem aut applicationem. Ergo medium istud nulla ratione derogat valori sacrificii crucis. Quod si per ejusmodi medium nil detrahitur meritis a Christo in cruce comparatis; et vero etiam necessarium est, ut nos fructum illorum capiamus, perinde erit aut unum, aut plura admittere, sive fidem et sacramenta solummodo, sive insuper sacrificium altaris, ut catholici docent; nulla profecto ratio suppetit protestantibus, quare eo prætextu quod detrahatur meritis Christi, illud respuant vel derisui habeant quin pariter proprio systemati valedicant (!).

(1) Id ipsum evidenter adstrutur ex protestantium doctrinæ, quam superioris impugnavimus, nempe eucharistie sacramentum administrari ac suscipi in remissione peccatorum. Si ipsi hac ratione derogare non putant valori sacrificii crucis et meritis inde per Christum comparatis,

*Ad 2. Dist.* Docet Apostolus, nullos esse præter Christum sacerdotes, qui Christo succedant et offrant sacrificium cruentum redempctionis, C. nullos esse sacerdotes qui tanquam Christi ministri ejus nomine et vice ipsius offrant sacrificium incurruentum, quo sacrificii ejus cruentum merita nobis applicentur, N. Eo enim modo, quo prærogates et episcoporum vicarii agunt ex persona, nomine, et auctoritate auctoris aut episcopi, quin dicantur iis succedere, ita sacerdotes, ut ministri Christi, ex nomine, persona et auctoritate Christi, juxta ejus institutionem et mandatum offerunt sacrificium, et reliquis sacerdotiis ministeriis funguntur, quin dicantur aut sint ejus successores (1). Offerunt præterea sacrificium incurruentum et commemorative, non tanquam causam meritiorum nostræ redempctionis, sed tanquam medium seu tanquam causam particularem qua nobis applicentur me-

quare hic abominari se profitentur sacrificium missæ, eo quod per ipsum derogetur sacrificio crucis et Christi meritis? Ast querere rationem ab iis, qui sibi proprio martyris articulos fidei evulsi, est operam perdere.

(1) Egregie Dr. Moehler clarissimo in lumine id ponit scribens: « Considérez sous un rapport, l'Eglise représente d'une manière vivante Jésus-Christ se manifestant et agissant à travers tous les siècles : éternellement elle continue son ouvrage ; tous les jours elle renouvelle l'œuvre de la rédemption. Le Sauveur n'a pas seulement vécu il y a dix-huit siècles. Non il n'est point disparu du milieu de nous ; mais toujours vivant en son Eglise, il y révèle sa présence sous des formes sensibles. Dans la prédication de sa parole, il est lui-même le docteur éternel ; s'associant l'homme par les eaux du baptême, pardonnant au pécheur, fortifiant l'adolescent, bénissant l'union des époux, il s'unit dans l'eucharistie à tous ceux qui souhaitent vers la vie heureuse ; c'est lui qui console, encourage le mourant ; c'est lui qui consacre les organes par lesquels son infatigable bonté répand tous ces bienfaits, toutes ces faveurs. Mais si Jésus-Christ, caché sous un voile terrestre, doit continuer jusqu'à la fin l'ouvrage qu'il a commencé sur la terre, il s'ensuit que, dans tous les temps il s'immole à son Père pour le genre humain. Or, nous devons retrouver dans son Eglise la représentation vivante de ce sacrifice ; car le Sauveur y célèbre son existence immortelle. »

Efforçons-nous de pénétrer le dogme catholique dans toute sa profondeur ; puisse enfin notre doctrine être saisie par les protestants ! Jésus-Christ s'est immolé sur la croix pour nos péchés. Mais comme le Fils de Dieu, qui est mort et ressuscité, a voulu, d'après ses propres paroles, résider dans l'eucharistie, à Jésus-Christ présent d'une manière mystique et seulement visible aux yeux de la foi, l'Eglise a substitué (par l'ordre du Sauveur, Voy. Luc. XXII, 20.), le Christ historique aux sens corporels, c'est-à-dire elle a pris l'un pour l'autre, car le Christ qui a souffert et le Christ eucharistique ne sont qu'un. Ainsi l'agneau de Dieu, dans l'anguste mystère, est la victime de la propitiation pour les péchés du monde. En effet, pour nous exprimer avec toute la précision qui nous est possible, le sacrifice de la croix n'est qu'une partie d'un ensemble organique : toute la vie du Sauveur, ses actions, ses souffrances et sa mort ne forment qu'un immense sacrifice, qu'un acte d'amour et de miséricorde. A la vérité cet acte se compose de plusieurs moments ; mais aucune de ses parties ne constitue le chef-d'œuvre de la bonté divine. La volonté du Christ de se donner à nous sur nos autels entre aussi dans cette grande immolation, car elle compte parmi les mérites qui nous sont imputés. Le sacrifice de la messe est donc un véritable sacrifice ; mais on ne peut toutefois le séparer de la vie du Sauveur, comme on le voit clairement par le but de son institution. Dans cette dernière partie de son sacrifice, Jésus-Christ nous donne tout ce qu'il a fait pour nous : son immolation, d'objective qu'elle était, devient subjective, propre à chacun de nous en particulier. Le Rédempteur s'immolant sur la croix nous est encore étranger ; dans le culte, il est notre bien propre, notre victime. Là il se donne pour tous les hommes, ici il se donne à chacun de nous. Là il n'est que victime, ici il est reconnu, adoré comme tel. » (symbolique edit. cit. liv. 1. § 54).

(1) Ita Maldonatus in cap. 26. Matth. v. 28.

(2) Sic Vasquez in 3. P. Disp. CCXI. cap. 2.

III. *Obj.* 1. Si missa est sacrificium, erit novum testamentum, imo vero quot sunt missæ, tot erunt testamento ; ergo ut rata sint, Christus in singulis debet mori, siquidem testamentum non nisi in morte testatoris confirmatur ; et ita fit, inquit Calvinus, ut prima mors pro nihilo sit. 2. Quod si hostia non occiditur, aut non immutatur, sacrificium esse non potest. Quidquid enim Deo ita offertur, ut illæsum maneat ac integrum, illud quidem recte vocaveris donum, munus, oblationem, sed verum sacrificium minime dixeris ; atqui in celebratione eucharistie nulla in victimam ipsam aut occisio aut immutatio cadere potest. 3. Dicendum igitur, non haberi in missa, nisi simplicem ac nudam commemorationem passionis Christi, 4. cum contradictoria sint, reale sacrificium, quod rem contineat, et sacrificium mysticum, quod rem tantum repræsentet ; 5. ac re ipsa non defuerint in ipso concilio Tridentino gravissimi theologi catholici, qui negaverint Christum in cena verum obtulisse sacrificium, ut referat card. Pallavicini (lib. 18. cap. 2), ac propterea in missa offerri verum sacrificium.

*Resp. ad 1. Neg.* Nec enim eucharistia est novum testamentum, sed sanguis solum dictus est a Christo novum testamentum seu confirmatio novi testamenti. Qua vero ratione sanguis sit confirmatio seu sanctio novi fœderis seu novi testamenti, an quatenus per consecrationem in calice continebatur, an vero quatenus effusus est in cruce, theologi inter se non consentiunt ; alii enim, juxta gr. vocem in tempore præsenti *τυχούσθεντος* qui pro multis effunditur, contendunt id dictum esse a Christo de sanguine in cena apostolis ad bibendum dato (1); alii vero, juxta lectionem Vulgate, qui effundetur in tempore futuro, id referunt ad sanguinem mox in cruce effundendum, ac propterea ad Christi mortem, qua novum testamentum confirmandum erat (2); alii denique utroque modo sanguinem dictum esse novum testamentum existimant,